

Hic primum figuratio cœli exprimenda est, non quemad-
 modum antehac, Sole mediante, fecimus, quippe qui noctu
 sub horizontem raptus foramina regulæ maioris nequit illu-
 strare, interdiu autem stellas cæteras quo minus oculo inspe-
 ctoris cernantur prorsus obscurat. Verum alia uia gradiendum
 est: Sole itaq; prope Occidentem constituto formam cœli effin-
 ge, sicuti antea traditum est, locusq; Solis in signifero Aequi-
 noctiali animaduersus, cui gradui Aequinoctiali adiaceat per-
 disce, & simul horarium ponderale perquam uerissimum, quod
 minutias quoq; horarum æqualiū enumeret, ita dispone, ut si-
 tum indicis sui pernoscas, eo articulo, quando per inspectio-
 nem Solis instrumentum ordinasti. Deinde post Solem occa-
 sum stellis illucescentibus, quantum temporis à consideratione
 diurna effluxerit, per indicem horarium explores, & pro qua-
 ternis minutijs horæ singulos gradus Aequinoctialis à nota
 superius iuxta locum Solis animaduersa accipe: ad finemq; ta-
 lis arcus Aequinoctialis locum Solis in signifero Aequinocti-
 ali notatum applica. Sic enim situm eclipticæ cœlestis represen-
 tare conuenit, quo manente euestigio moue cristam hac atq;
 illac, donec centrum stellæ placitæ in plano circuli latitudinis
 constituatur, & simul stella tota per foramina regulæ minoris
 eleuata, uel depressa, ueluti res ipsa postulat, cernatur. Tunc e-
 nim regula quidem longitudinis extremitate sua, quæ aduer-
 sus stellam protenditur, in signifero ecliptico locum stellæ secun-
 dum longitudinem monstrabit. Regula autem latitudinis stel-
 læ latitudinem prodet, siue Aquiloniam, siue Austrinam, pro-
 ut terminus eius, ad stellam cōuersus, admonet. Verum si pau-
 lo curiosius operari libeat, motum Solis augeri oportebit, secun-
 dum quantitatem temporis mediij inter duas considerationes,
 pro hora uidelicet æquali duas minutias, & dimidiam ferme u-
 nius gradus ad locum Solis addendo. Porro si rudiori quadam
 obseruatiuncula contentus esse uelis absq; adminiculo horarij
 ponderalis propositum attinges hoc pacto: Sole ad occasum
 uergente locum Lunæ uisum ex præcedenti collige. Postea au-
 tem